
Sarajevo, 21.05.2020.

**MFS-EMMAUS RASPISUJE JAVNI
POZIV ZA DOSTAVLJANJE PONUDE ZA DIZAJN POSTERA**

Projekt: "Sprječavanje nasilja usmjerenog prema djeci kroz jačanje profesionalnih kapaciteta i edukacije djece o prevenciji nasilja u Bosni i Hercegovini"

(Prevention of Violence against Children Through Strengthening Professional Capacities and Education of Children on VAC Prevention in Bosnia and Herzegovina)

1. Uvod

Međunarodni forum solidarnosti- EMMAUS je jedna od najvećih samoodrživih domaćih nevladinih organizacija koja preko 20 godina radi na sprečavanju trgovine ljudima i ilegalnih migracija, prevencije svih oblika nasilja nad djecom, te zloupotrebe djece u digitalnom okruženju. MFS-EMMAUS je član Konzorcijuma za zaštitu djece u Bosni i Hercegovini, zajedno s organizacijama UNICEF i Save the Children. U nastavku projekta "Sprječavanje nasilja usmjerenog prema djeci kroz jačanje profesionalnih kapaciteta i edukacije djece o prevenciji nasilja u Bosni i Hercegovini" koji MFS-EMMAUS implementira uz podršku UNICEF-a, planiran je nastavak edukativnih i promotivnih aktivnosti, kako bismo djecu, roditelje i sve ostale građane educirali o različitim oblicima nasilja, prevencije i prijavljivanja istog. Jedna od promotivno-informativnih aktivnosti je izrada postera namjenjenog podizanju svijesti tinejdžera/mladih (15+) o prevenciji i prijavljivanju nasilja.

2. Cilj

Cilj promotivnog postera je podsticanje mladih osoba da prijave nasilje kojem su potencijalno izloženi oni ili bilo koje drugo dijete ili maloljetnik/ca. Globalna istraživanja su pokazala da su mjere izolacije, uvedene zbog pandemije virusa COVID-19 uzrokovale nagli porast nasilja nad djecom i nasilja u porodici. Promotivni poster je jedan od proizvoda koji zajedno za cilj imaju podizanje svijesti o tome da nasilje nije prihvatljivo, bez obzira o kojoj vrsti nasilja se radi (zanemarivanje, fizičko, emocionalno, seksualno, vršnjačko ili online nasilje). Poster također treba promovisati besplatnu savjetodavnu liniju HELPLINE 0800 223 23 i Centar za sigurni internet. Više informacija o tome možete pronaći na www.sigurnodijete.ba.

3. Dužnosti i obaveze Ponuđača

- Ponuđač će dostaviti ponudu sa specifikacijom troškova;
- Uz mogućnost prethodne konsultacije, Ponuđač će Naručiocu predložiti ideju postera (skica ili opisno);
- Datumi aktivnosti biti će precizirane ugovorom koji će Naručilac potpisati sa Ponuđačem;
- Dostaviti prijedlog postera Naručiocu na odobrenje do 15.06.2020. godine;
- Dostaviti finalnu verziju postera Naručiocu do 23.06.2020. godine;
- Ponuđač će tokom izrade postera usko sarađivati sa Naručiocem, te se konsultovati o svim eventualnim dilemama.

4. Obaveze Naručioca

MFS - EMMAUS će kao Naručilac osigurati potrebnu savjetodavnu podršku Ponuđaču kako bi se izvršio zadatak u predviđenom roku. To uključuje sljedeće:

-
- Naručioc će omogućiti pristup relevantnim podacima potrebnim za izvršenje dužnosti u okviru dizajniranja postera;
 - Naručioc će po zahtjevu Ponuđača konsultovati psihologa;
 - Naručioc će blagovremeno dati mišljenje i prijedlog o izmjenama i dopunama.

5. Vremenski okvir

Predviđeni angažman je u trajanju od 08.06.2020. do 30.06.2020. godine.

- Dostaviti prijedlog postera Naručiocu na odobrenje do 15.06.2020. godine;
- Dostaviti finalnu verziju postera Naručiocu do 23.06.2020. godine.

6. Intelektualno vlasništvo

Svi proizvodi koji nastanu u okviru ove aktivnosti (dokumentarna, digitalna, cyber, projektna video/audio dokumentacija itd.) pripadaju MFS EMMAUS-u, kao članu Konzorcija za zaštitu djece u Bosni i Hercegovini, koji ima ekskluzivna prava nad njihovom upotrebom i daljom distribucijom. Osim za potrebe ove aktivnosti, dokumenti i proizvodi neće biti korišteni u druge svrhe bez prethodnog pismenog odobrenja MFS-EMMAUS-a, a u skladu sa Zakonima o autorskim pravima po nacionalnim i međunarodnim standardima.

7. Ugovorni aranžmani i nadzor

- Na poziv se mogu prijaviti fizička i pravna lica.
- Odabrani ponuđač će biti angažiran putem ugovora isključivo u svrhu pružanja navedenih usluga, unutar dogovorenog vremenskog okvira.

8. Naknada/plaćanje

Svi troškovi izrade postera trebaju biti sadržani i detaljno navedeni u okviru pojedinačnih ponuda.

Plaćanje se obavlja u dva obroka:

- po potpisivanju Ugovora;
- po odobrenju finalne verzije od strane Naručioća.

Naručioc zadržava pravo da obračuna ponuđaču zatezne kamate, ukoliko se dogovoreni posao ne izvrši u dogovorenom vremenskom roku.

MFS-EMMAUS je humanitarna organizacija uspostavljena s ciljem jačanja i promocije ljudskih prava u Bosni i Hercegovini, kao i zaštitu djece i mladih od svih oblika nasilja, te Vas shodno tome ljubazno molimo da Vaša ponuda bude što povoljnija.

9. Način podnošenja ponude

Ponuđači su dužni dostaviti sljedeće:

- Pismo interesa;
- Referentni rad/radovi;
- Idejno rješenje postera (skica ili opisni prijedlog);
- Finansijski prijedlog sa obračunom i analizom troškova koji se odnose na zadatak.

10. Dostava ponuda

Ponude moraju biti dostavljene na e-mail adresu: sarajevo@mfs-emmaus.ba najkasnije do 03.06.2020. godine.

Zainteresirane stranke se pozivaju da kontaktiraju MFS-EMMAUS ured u Sarajevu za sve dodatne informacije.

MFS-EMMAUS- URED SARAJEVO
tel/fax +387 33 263 385